

年川紀事詩

上

年川紀事詩

|     |   |   |   |   |
|-----|---|---|---|---|
| 漢書門 |   |   |   |   |
| 二   | 二 | 七 | 四 | 〇 |
| 冊   | 架 | 函 | 號 | 類 |

24

|      |     |
|------|-----|
| 庫文閣内 |     |
| 三〇七  | 三八四 |
| 函    | 七   |
| 一    | 一   |
| 架    | 冊   |
| 和書類  |     |

儒家 廿四ノ四

|      |         |
|------|---------|
| 内閣文庫 |         |
| 番號   | 和 38471 |
| 冊數   | 2 ( 1 ) |
| 函號   | 207 24  |

207-24




嘉永戊申新刻

尾張 伊藤錦窠鈔


# 乍川紀事詩

花繞書屋藏版



叙

眉山澤田師厚撰



自近歲膺吃黎犯清國。世人  
率以傳聞騰之口舌。不深究  
其根由。余常厭之。故其所未

詳則蓋闕如。有以俟實錄信  
記之出焉。既而伊藤錦窠示  
斯編。求校閱。余受而卒業。乃  
喟然歎曰。從滿洲代明。其邦  
內休息乎無事者。二百餘年。

矣。而今江浙瀕海之境。猝被  
寇害。極受慘毒。而其死節徒  
多。烈女子。折衝乃少。烈丈夫  
者。獨何歟。吾聞之。乾隆主有  
言。勸農講武。為立國之大經。

兵可百年不用。不可一日不備。其貽謀如此。後世子孫。其可不勵精繼述乎。而承平之久。上下恬安。士風柔懦。武備隨弛者。其咎實有所歸焉。抑

壬寅撓敗。可謂資彼土之懲。綦亦為佞邦之鑑戒矣。錦窠蓋有見于此。而又知茲篇什。可以當實記。曰鏤櫻公之也。觀者據焉考信。則當日光景。

將有瞭然乎目前矣。

嘉永改號孟夏三願堂中書





Faint bleed-through text from the reverse side of the page, including characters like '蓋亦良' and '蓋亦良'.

三浦

陳文藻

由來吳越此襟喉澤國魚鹽聚  
一州四面雲山環古堞萬家煙  
火枕寒流戎樓鼓角晨霜冷戰  
艦旌旗夕照浮最好尋春東郭  
外游久策蹇過龍湫

八十翁維賢書



浙江地圖

浙江地圖

附 乍浦水師額設戰船數目

乍浦左右二營額設雙蓬船四隻每船配兵四十名各帶本身器械外另配子母礮二位百子礮四位蕩寇礮十位藤牌四面噴筒四杆火箭二箱火藥一百觔鐵彈六百出鉛子二十觔快哨船四隻每船配兵二十名各帶本身器械外另配子母礮二位蕩寇礮五位藤牌二面噴筒四杆火箭二箱火藥五十觔鐵彈二百出鉛子五觔釣船二隻每船配兵八名各帶本身器

械外另配火藥十觔鉛子五觔同安船四隻每船配兵四十名各帶本身器械外另配紅衣礮二位劈山礮五位藤牌四面滾被刀四十把鈎鏹槍十五杆單刀二把火藥二百觔大小鐵彈一千五百出鉛子一千二百出噴筒十杆火箭二箱火毬三十箇火繩四十盤艇船一隻配兵八十名各帶本身器械外另配紅衣礮四位劈山礮八位藤牌十面腰刀五十把鈎鏹槍二十杆單刀四把火藥三百觔大小鐵彈三千

出鉛子二千出噴筒二十杆火箭四箱火  
毬四十箇火繩五十盤

右乍浦平常所備軍械也其數目詳載  
于軍器則例今抄而附此以供觀者參

于檢馬

出鉛子二千出噴筒二十杆火箭四箱火  
毬四十箇火繩五十盤  
右乍浦平常所備軍械也其數目詳載  
于軍器則例今抄而附此以供觀者參  
于檢馬

乍川紀事詩卷上

尾張 伊藤清民圭介鈔

余今春宿病少間適得道光丙午歲

新鐫乍浦集詠其里人沈筠實甫所

輯多載壬寅海寇紀事詩隨吟隨鈔

竟成小冊聊以此遣悶云因竊接近

載傳聞來舶清高紅夷之言喚咭喇



備川言言 卷一  
之兵侵擾廣東及瀕海諸地礮飛天  
狗船轉火輪清兵雖畢力防戰亦累  
敗績被侵日深迄有一鼓直入北京  
之勢始悟其力不能沮遏倉皇震悚  
遂納幾千萬金且加致舟山以乞和  
僅乃得免豈非可切齒之甚哉噫夫  
漢土之俗已自尊大而蔑視外國悉  
為蠢類故不能遠察泰西諸夷之情

實而知其精兵奇器迥過平昔而一  
旦袖出意外遂以取大衄無足恠者  
已近來一二同志亦有論及之者皆  
獲我心矣嗚呼今所鈔諸篇吟誦之  
際覺如妖氛忽起腥風撲面聞礮聲  
飛霹靂實有使人慨然者雖則僅僅  
數十言勝他無用閑語累千萬言乃  
亦可以為邊備之前車則未必無關

係於世也雖然是不可與淺見寡聞  
茫乎夷情不辨漢弊者同床而論也  
曰然則海防唯以察夷情為足歟曰  
恐不然其要務蓋別有在焉然非吾  
輩所敢輕議則姑置焉故余之於此  
鈔也以偶忘半日之痛苦為幸已矣  
皇和嘉永元年春三月

圈後註係  
新加下同

乍浦集詠題詞

沈

筠

○筠字實  
甫號浪仙

著有乍浦集詠及壬寅  
殉難錄人物備采等

前明海上寇氛日熾人鬼為鄰游屐罕至  
國朝設鎮尚武崇文講舍造士戈船習軍  
安流魚肥繁柯花豔歌詠太平一時壇坫  
妖鱷為患壬寅夏初文弔戰場詞感園蕪  
事足徵實幽賴以闡心賞手鈔積久成卷  
決擇既審藏諸名山志乘儲材以備采刪

乍浦

鄭珩遜白

孤城如甕海雲遮形勝東藩此競誇一浦  
通潮停畫鷁九峯環郭走長蛇江南岸接  
金山衛日本濤沈鐵板沙西去鹽官三十  
里天寧寺塔絢流霞

全

彭銘緘三

浙西門戶仗孤城抗海環山勢自宏龍窟  
生雲迷畫鷁鮫宮鼓浪擊長鯨通宵燈火

邊關戍落日旌旗大將營留得前朝征戰

跡平沙一片起笳聲

來重同人遊乍川觀水師操次杜少陵冬

狩行韻

高同寅齋

我朝兵馬天下雄春秋習武觀厥功披甲

簡練盡精銳舟師亦與騎將同此時秋深

潮正甚白波浩瀚迷蒼穹鼉鼉拔浪勢洶

涌甲兵操選均如熊刀鎗突出眩青嶂旗

竹川詩言 卷上  
旆飛揚摩碧空迎風呼嘯震雷雨乘潮上  
下疾飛蓬忽焉星散分左右參戎統領居  
其中忽焉合圍應晉尾亦似陸軍齊馬總  
况今天子甚仁聖八荒海外欽英風環觀  
牧豎及村翁是誰不欣浴日經豈但越裳  
來重譯不徒南貊與西戎琉球瓜亞悉臣  
服殷教遠訖梵王宮因茲想見承平久仁  
風洋溢徧愚蒙嗚呼今看軍政信超軼得

不仁風被愚蒙

乍川秋汎

顧其銘禮脩

一艣晴川風景幽荻花兩岸落虛舟太平  
戍卒渾無事半在灘邊下釣鈎

壬辰仲冬 啖 啞 唎 夷 船 潛 來 海 上 軍

士戒嚴有感

徐熊飛雪廬

咫尺黃盤寫何來萬里船鉞程浮積水瘴  
嶺隅蠻天浪說通商地難憑入貢年帆檣

無定所飄忽逐雲煙  
 星分天竺國地界大西洋人與魚龍狎舟  
 隨鷺鶴翔航琛經絕徼重譯歷炎荒閩粵  
 兵烽急休令突海疆  
 庚子殘夏聞乍浦警寄懷沈浪仙  
 連日東南狂颶搖心隨落葉盡枯焦祇緣  
 鬼蜮含沙射竟致鯨鯢跋浪驕膽破千村

飛礮火魂驚一綫繫江湖沈郎雄快應如  
 昔奏凱歌成肯折腰時傳君入戎幕

庚子六月寄懷乍浦沈浪仙

于源辛伯

百里郵筒便鱗鴻信不乖一從聞海警但  
 道減詩懷禦敵空奇策君曾有防海憂時  
 到我儕尺書勞望斷兩地悶難排  
 滿山飛礮火天半響如雷妻子匿何處城

門晝不開謂二十日事料難鷗夢穩頻見羽書

催愁絕東陽沈腰圍更瘦來

辛丑秋日同張丈采言鄒西漁登乍

浦城樓晚眺 周炳植蓮莊

縹緲飛樓上吟秋鸞鶴群一丸生海月兩

角幻山雲戰馬平沙聚戈船下瀨紛登臨

感時事自顧媿終軍

捉船行 伊佐圻鐵畊

夷船未到民船亂家家備船便逃竄官府

下令忽捉船見船便捉捉無算兵坐民船

恣譴訶民船漸少兵船多一家相對坐愁

歎夷船將到民奈何奪民予兵民不恨殺

賊衛民兵之分果能殺賊以衛民區區一

船何足靳君不見夷船來兵船開紛紛捉

船胡為哉

壬寅四月間乍浦警

俞斯玉古水

寄奴城外慘風雲火礮如雷百里聞交趾  
當年原屬國斷頭此日幾將軍關空虎旅  
嗟天險地擅魚鹽奈海氛自媿請纓徒意  
氣書生敢望伏波勲

紀壬寅四月初九日事

沈興濬蓮卿  
攬槍墮地陣雲垂十日陰霾萬戶悲兩浙

湖山淪越甸一天風雨哭秦師樓船出海

騰妖鯉弓箭飛風嘯餓鴟斗大孤城經浩

劫更無羸卒拾殘旗

狂瀾近逼此危疆砥柱中流幾國殤西域

鬼來分黑白南方人見盡蒼黃先聲到處

驚風鶴曠野唯聞泣雨蟹成就韋韓千載

譽男兒何幸死沙場

乍浦感事 壬寅

黃樞半村

礮發一聲驚霹靂百丈紅光如電激愁雲  
黯黯日無光哀哉軍民之死不知其幾千  
百是時城中哭號吽蓬頭跣足爭奔逃爺  
孃妻子走相失礮中不死死槍刀苦竹山  
頭踞豺虎狂瀾洶涌雜鞞鼓風掃火迫一  
城空白晝鬼啼誰守土嗚呼何時海上清  
妖氛樓船駕出揚將軍

唐灣戰

以下樂府紀壬寅四月乍浦之難

黃金臺鶴樓

塘下集樓櫓塘上樹旗鼓唐家灣口偏強  
虜官軍有礮不敢發官軍有刀不敢拔關  
西一軍踊躍起大呼格鬪東山背不許長  
鯨掉其尾齊軍坐視秦軍孤四百餘人陷  
陣死日射寒濤血凝紫吁嗟乎健兒盡如  
關西軍島間鮫鱷應殲羣

乍城陷



竹川言言 卷上  
一角孤城逼烽火天狼橫行天狗墮東門  
街達南門街血殷滿路撐尸骸居民亂竄  
如驚雀誰能以身嘗鼎鑊人家盡在鋒鏑  
中曲突十室炊煙空雞跳屋犬哭市孰非  
太平民降哉何至此自經倭變三百年滄  
海又見橫流矣

棄嬰孩

燕哺雛牛舐犢庶類猶知勤撫育今者倉

卒攜家逃性命輕已如鴻毛己身尚未保  
那復顧兒曹破巢之下罕完卵嬰孩一一  
投城濠徘徊不忍覩慘絕摧肺腑昨宵安  
穩匡牀眠黃口啞啞猶索乳

焚海塘

踏山放火紅入雲狂飈吹焰騰蒼雯葫蘆  
城普照寺一炬飛灰作平地天風海濤樓  
拉然頃刻休洋船營船千百軸鬱攸所灼

無遺留塘前塘後都遭難可憐神鬼亦焦  
爛苦竹嶺頭烏夜唬喜喜出出各飛散  
土匪亂  
千人萬人互相召千聲萬聲迭鼓譟洶洶  
翻勝紅毛人蠶蠶之毒過虎豹稅關以北  
一里長狂焱燒作瓦礫場城外蹂躪及城  
內巨室豪門悉破碎黃者金白者玉貴者  
幣帛賤者粟上自樓閣下庖福一一搜牢

恣所欲莫恣欲國法不汝假血肉狼藉斃  
杖下亦有朝劫人暮即人劫我一轉瞬間  
自貽禍

山下鬼

九峯燐火飛青熒戰血幻作苔花腥怒潮  
夜打荒山脚過客驚聽啾啾聲韋公韓公  
能死職署同知韋逢甲水師壯士糜軀同  
報國狼折骸鷹攫肉新鬼煩冤一聲哭十

園松標風蕭蕭白晝飛出貓頭鴉長安遠  
隅萬里外家人何處招魂拜

讀黃鶴樓壬寅四月乍浦紀事樂府

擬賦 姚清華蘇卿

島夷傷人并及鬼人既非辜鬼復有何罪  
新鬼故鬼聚一哭身後之禍禍更毒剖棺  
斮屍係極刑惡劫一至無小無大不能全  
其形西伯加恩逮朽骨四海八州共歡悅

島夷肆虐至九幽鬼怒神怨咸思食汝肉

搗汝喉問夷胡為乎如此夷言我非與鬼

讐斲棺志在盜寶玉摸金有例取之不為

酷貪心一萌天理亡貪鬼幸免富鬼懼其

殃斧停棺

海氛未消土匪起勢如決流不可止高門

大戶先受殃探人囊篋發人匭若輩本屬

不靖徒平時無事藏菰蒲一朝乘亂乃竊

發百千聚黨爭附趨狼非狼虎非虎一味  
橫行專用武汝不殺人汝已犯極惡蹤跡  
一過風掃籜上自珠玉下至粟米搜剔無  
子遺捆載歸來貯盜索刀鋸斧鉞自謂悉  
罔加夷人戕官官不辦放衙譬如蒼蠅飲  
汁一飽即自得不知坐而啖汝尚有金蝦  
蟆郎當鐵索繫汝去身首須臾遽異處妻  
子逃避廬舍空魂歸何處號悲風當時不

作崔蒲盜或者餘年得考終

土匪亂

紀事

壬寅四月乍浦失守避兵竹嘯村作

俞銓芷衫

巖疆失險海濤飛城郭人民半是非鷓水  
一泓連戰壘螺峯九疊陷重圍心驚故舊  
音書絕聞說雄師苦鬪稀盡室倉皇且西  
上荒村日暮涕沾衣  
八口分羈喚奈何太行咫尺起鬼戕風聲

鶴唳邊情急篝火孤鳴暴客多十日登樓  
頻騁望中宵伏枕一悲歌王師未報蛟門  
捷瀕海何年得止戈

將抵里門感賦時壬寅四月

伊佐圻

夾岸紛紛戰舸連旌旗亂颭晚風前片帆  
纔過虹霓堰一角家山青到船  
鄉音入耳最關情恨隔蓬窓聽不清野老

那知遷徙苦豆棚猶自話夷兵  
遙聽城頭咽暮笳炊煙起處夕陽斜年來  
一事殊堪笑纔到家園轉憶家

書乍浦壬寅四月事

李善蘭壬叔

千家萬家門亂關街頭義勇殺漢奸漢奸  
出沒不可蹤割民首級以報功東家有兒  
暮不歸屍橫門前血滿衣西家有弟朝纔

出覓之身存頭已失通衢蕩蕩人畏行白  
日城市走山精旁觀不忍怒氣勃大呼突  
出甘肅率腥血糝糊義勇頭為爾良民一  
雪讐

晤劉心葭聞述被兵顛末感懷海上

諸子孫融次公

客自乍川來聽言乍川事四月之八日敵  
船駛紛至礮火裂天半人聲雜鼎沸翼日

報城陷倉皇不及避劫掠任一空難難出  
危地有女年及笄十年貞未字隕身葬智  
井一死明大義近聞守土者退守為得計  
媿茲弱女子何以安寤寐

火輪

名船

蹴如飛儵忽去隣郡所志在淫掠

膏腴供蹂躪吾鄉幸安全防患尤宜慎海  
上二三子日夕繫方寸今得與君言一一  
通問訊已稔各無恙但道極困頓斯才盡

鴻鵠臨風思奮迅不幸歷嚴霜鍛羽苦難

振旭日自瞳瞳轉瞬滅妖蜃同聲祝太平

歌詠安吾分○按火輪船嗎蘭稱斯外謨

所記曰車輪烟箭船每長二十餘丈濶二

文餘船兩傍俱有車輪夾掛於外艙中藏

方式灶爐在於掛車輪之橫木下用火在

灶內熱燒而兩傍車輪即旋轉如快磨其

船行走無論風之順逆快捷如飛又曰火

船戰船式長三十餘丈高濶三丈餘用鐵

包堅固週身油黑色如織布梭樣兩邊如

車輪用煤炭燒起略或傳近載英機黎於

淳耳匿何之南鳴開坑吃煤亦多供此船

之用云若夫蒸氣機輪式載泰西之書其

說尤詳茲厭其繁不復具錄焉又有神飛

哀乍川壬寅夏日

高亮采宜圃

乍川自昔元至正始立市舶招百蠻明初

築城禦海寇中年倭至猶多患聖朝化理

廣無外早嚴武備防兇姦參游迭設添禁

旅浙西恃此無虛辱國初乍浦始設副將

後又改設參將一員雍正七年又移杭

州江寧滿兵兩營設副都統一員駐防二

百年來久安堵恬熙日習忘輕侮島夷船

礮一朝至岌岌危疆孰為主傳聞陝兵稍  
鬪傷此外列營全失伍四扇城門蕩蕩開  
花鬘髻面衝突來夷人歌笑漢人哭頃刻  
紅塵化劫灰道上死屍血出漉井中冤鬼  
聲含哀豪門巨室去何所恐汗腥羶首莫  
回吁嗟乎滿城金帛資盜糧滿城士女遭  
殺傷國家兵力非不足幾人忠義填肝腸  
况聞潰卒多無賴沿村抄掠潛遠颺制防

訓練本無素奚恠糜費反貽殃吾鹽去乍  
纔卅里目擊烽火心驚惶作詩懇切告君  
子俯仰家國憂茫茫

弔關西卒

乍川之役夷人從唐家灣  
登岸唯陝西兵奮勇禦敵  
殲賊數百旋為礮火所敗故被  
害獨多作詩表之不沒其功也

黃憲清韻珊

一旅熊羆惜勢孤男兒馬革誓捐軀竟能  
殺賊先諸將直欲當關抵萬夫瀛海雷霆



竹川詩集 卷上  
飛戰火函陵風雨斷歸塗畫船朱蓋人何  
在浩蕩君恩報得無

弔唐家灣歌

鍾步崧穆園

髑髏夜半作人立新鬼煩冤抱魂泣可憐  
碧血填溝渠溪水路傍不敢汲今年四月  
妖氛冲長鯨鼓浪龍伯宮滄海橫流天日  
黯陣雲慘澹生悲風觀山山下競酣戰前  
飛火鎗後火箭礮聲不斷峯岳搖半空白

日掣流電平林煙起愁猿獠短兵相接鳴  
槍刀甘州健兒尤勇捷殺賊肯逐亡羊逃  
須臾援乏鼓聲死猛士捐軀怒裂皆壩上  
軍猶排鶴鷺山中命已絕螻螳斯時殺氣  
正橫天東南何處無烽煙孰斬長蛇戮封  
豕空歌華屋悲桑田枕骸遍地不可辨血  
肉狼藉飽羣犬青楓時有鬼雄號白骨并  
無馬革捲嗟予生長東海頭眼見豪傑歸

荒邱天陰雨濕白草短怪鴟作勢嘯松楸  
臨風清酒一杯送行人下馬動哀慟生不  
能分主帥功死應未入故鄉夢側聞諸將  
許和我虎旅防邊韜甲弓落日高歌洗兵  
馬山花開向戰場紅  
計文瓚敬亭  
此日殘山亂草叢當年金碧梵王宮一空  
色相紅羊劫風雨宵來嘯鬼雄

乍浦水師副都統長公喜死事詩

高如燦笑山

此職一持蘇武節此身早佩申生珖此手  
一握彥章鐵此頸拚濺嵇紹血妖星耿耿  
攬槍明天狗墮地摧堅城倉皇抵禦不成  
列落日慘淡無鼓聲城北城南飛劫火男  
兒幾輩馬革裹馬革裹屍臣所甘痛哭斯  
民遭此禍臣力竭矣臣當死臣心照見鴛

湖水

署乍浦海防同知韋公逢甲死事詩

手摩銅綬髮衝冠力竭孤城一死拚慷慨

頭顱餘飲劍倉皇肘腋起探丸竟從淨土

成兵解贏得紅巾歎好官

夷聞公殉節於六度菴相謂好

一箇文官韋虎云七妖經徙九峯十日陣雲寒

韋司馬逢甲哀詩次沈實甫韻

朱緒曾述之

蛇矛壯士失陣安枉使儒生殉一官心血  
儘教烽火鍊頭顱甘向海波拚九山風雨  
蒼黃淚萬戶煙塵赤白丸誰拾陰燐弔韋  
虎吟成想見髮衝冠

壬寅殉難蒙古防禦額穉齋特赫遺

像

劉惇福抑齋

烏唬月落四山黑骨暴沙礫尋不得生綃  
一幅淙丹青寫出英雄是本色愴昔觀山

酣戰來狂狷天狗轟地雷陣雲慘澹白日  
晦火鴉亂飛揚劫灰荒榛鬱鬱埋碧血折  
戟殘槍未銷鐵野花開落戰場春寒食年  
年最淒絕薰風忍此披遺圖脫帽露頂飄  
輕裾英姿爽颯毛髮動將軍雖死猶生如

男 伊藤清哲圭造技

乍川紀事詩卷上

終

